

dum erat circiter viginti annorum : hinc sequitur, quo circiter sexagesimum ageret annum, quando contra eum conspirabat Absalom. Interim resolutio ante data potissimum probari potest ex refutatione aliarum sententiarum. Unde sit

QUESTIO II. — QUOMODO REFUTARI QUEANT ALIORUM OPINIONES CIRCA TEMPUS, QUO SIGNATUR CONSPIRATIO ABSALOMI.

Auctor libri de Tradit. hebraicis in lib. Reg. inter opera S. Hieron. computat prefatos 40 annos ab eo tempore, quo Saül I Reg. XXII, §. 18 interfecit Achimelech pontificem et 85 sacerdotes. Et hanc opinionem sequitur Lyranus, citatque pro ea Rabanum et Angelomum.

Ratio corum est, quod haec persecutio mota sit contra Davidem in ultiōne peccati, quo David tunc sacerdotes fecellit, et tantæ cædis causa fuit. Sed id improbatum est, inquit Estius; certum enim est ex predicatione Nathan prophetae, supra cap. XII, haec Davidi evenisse propter adulterium, et homicidium Uriæ. Dicitur enim ibidem: §. 10 et 11, *Non recedet gladius de domo tua... eo quod... tuleris uxorem Uriam... Itaque hæc dicit Dominus: Ecce ego suscitabo super te malum de domo tua, etc.*

Præterea, ut observat Paulus Burgensis, qui prefatam opinionem refutat, quamvis David dedisset occasionem occisionis sacerdotum, non tamen haec ei culpabiliter attribuenda est, nec illius proprie causa fuit David ergo non fuit ratio, cur ideo Deus permitteret hanc conjurationem excitari contra Davidem.

Ut omittantur difficultates, quas patitur haec opinio in deducenda chronologia horum 40 annorum usque ad conjurationem Absalom, inquit Paludanus, non potest assignari aliqua probabilis ratio, cur æram seu tempus hujus conjurationis Scriptura vellet enumerare ab illa sacerdotum interfectione.

2. Rabbi Salomon, apud Lyranum, exordium istorum 40 annorum desumit ab eo tempore, quo populus petierat sibi dari regem, I Reg. VIII; ut hac rebellione, quæ erat mala, Scriptura ad memoriam reduceret dictum Samuelis, quo petitio ista populi non esset ad bonum.

Sed hanc rationem merito rejicit Abulensis, quest. 12, eo quod haec petitio regis nihil faciat ad propositionem de rebellione Absalom contra David; et alioquin peccata, etiam ante diluvium commissa, possent afferri, cum haec sint mala, inquit ille.

3. Gaspar Sanctius inherens cuidam principio de annis Saül, scilicet quod hic tantum duobus annis regnaverit, hos 40 annos etiam computat ab eo tempore, quo res publica Hebreorum cepit administrari per reges. Ab eodem pariter tempore computat Tirinus. Sollet enim calculus annorum, inquit, inchoari ab aliqua magna et notabilis res publica mutatione. Unde Scriptura, more chronologorum, æram variat juxta variationem regnum, et diversam originem eorumdem.

Attamen quod nec haec opinio subsistat, inde liquet, quod ratio a Tirino allata postius probet, prefatos 40

computandos esse a prima unctione Davidis, siue quæst. præced. dictum est; nam tunc magna, et notabilis re publicæ mutatione facta est: siquidem tunc sciit Deus regnum Israel a Saül, et dedit illud Davidi. Præterea ex ista opinione sequitur, rebellionem Absalom contra Davidem suscitatam fuisse anno 68 vitæ ejus, et 58 regni; id est biennio ante mortem ejus.

Consequentia patet: quia si Saül non regnaverit nisi duobus annis, ut volunt Sanctius et Tirinus, David erat annorum 28 in principio regni Saülis; quandoquidem eo moriente fuerit annorum 30. Erat ergo post 40 annos, annorum 68. Atqui hoc non videtur posse admissum: nam hujus consequentis falsitas ex eo liquet, quod Scriptura Davidis, post hanc filii sui rebellionem, attribuat plures vitæ annos, quam duos.

Patet hoc 1, quia infra cap. XXI, 1 dicitur: *Facta est quoque famæ in diebus David tribus annis jugiter.* Et postea cap. XXIV jussit David numerari populum, quæ numeratio duravit novem menses, et viginti dies, ibidem §. 8. De hac numeratione etiam agitur I Paralip. XXI, ubi etiam fit mentio de ira Dei, et pena hinc subsecuta. Post quæ ibidem cap. XXII, 1, 2 et 3 refertur David præparasse omnia necessaria ad aedificationem templi: adeoque insinuat, Davidem aliquo notabili tempore post enumerationem populi supervixisse; quot annis, non constat.

Patet 2, quod dicta rebellione non inciderit sub finem vitæ Davidis, sive anno 68: quia ex III Reg. I, 1 constat, Davidem circa extrema vite tempora fuisse omnino viribus exhaustum, et ita colore destitutum, ut vestium operimento non posset calefieri; et tamen tempore hujus rebellionis erat adhuc fortis, vegetus, et bello aptus; ut colligatur infra ex cap. XVIII, 2: *imo et longe post, cap. XXI, 17.*

Conatur huic rationi occurrere Sanctius, dicens, etiam triennali spatio magnam mutationem fieri in ætate jam deflexa, ut quotidiana experientia docet. Sed etiam experientia docet, quod illa mutatio non nisi rarissime fiat, et fere numquam, nisi occasione apoplexiæ, aut similis accidentis.

Cap. XVI. Siba occurrit Davidi fugienti, cibos offerens, suoque domino Miphlobetho, §. 3, graviter detrahens, omnia bona ejus accipit a Davide. Peccavit autem David, dum §. 4 temere et præcipitanter Miphlobethum innocentem et inauditum bonis spoliavit, etiam in servum ejus maleficum transtulit. Nam etiamsi verum fuisset, quod de hero suo dicebat Siba; non erat tamen Miphlobeth velut ingratus condemnandus, antequam audiretur, vel antequam veritas aliunde satis declararetur.

Atque hinc videtur providentia divina justo suo iudicio permisisse, ut haec Davidis iniustitia, quam favendo servo maleficio commiserat, injuria per alium servum inferenda puniretur; nimis ut Semei illi malediceret. Quo sensu autem §. 10 dixerit David, Dominum præcepisse Semei, ut sibi malediceret, pendendum est ex theologia, ubi ostenditur, quod Deus non sit auctor peccati.

Cap. XVII. Consilium Achitophel de obrundo statim Davide, dextre subvertit Chusai: quare laqueo se suspendit Achitophel. David Jordanem transit cum suis, eique per tres amicos de copiosa providetur annona.

Cap. XVIII. David configit cum copiis Absalom easque posternit. Victus Absalom fugit, et condensæ querenti capillis innectitur, ac pendulus a Joab confunditur; sed a Davide amare defletur; ut liquet ex §. 33, ubi gemebundus ita loquitur: *Fili mi Absalom, Absalom filii mi: quis mihi tribuat ut ego moriar pro te, Absalom filii mi, fili mi Absalom?* Fleyit autem David mortem non tam presentem, quam æternam. Absolomi, eo quod in flagranti delicto parricidij oecusus foret. Unde de hoc Davidis luetu S. P. Aug. lib. III de Doctr. christi. cap. XXI ita scribit: *Non orbitatem doluit in ejus (Absalom) interitus; sed quia noverat, in quas penas tam impie adultera et parricidalis anima raperebatur.*

Locus, in quo prælum commissum fuit, vocabatur saltus Ephraim, ut patet ex §. 6. Erat autem hic saltus in tribu Gad trans Jordanem. Quarè, unde dictus sit saltus Ephraim, incertum est: nam variae desuper sunt interpretum opiniones. Verisimilius autem ita appellatus est ab insigni clade, quam ibidem retulerunt Ephraimitæ, rebellantes contra Jepheth, Judic. XII. Haec enim ratio videtur sufficiens, ut saltus, qui plurimorum Ephraimitarum sanguine maduit, deinceps eorum nomine appellaretur.

CAPUT XIX.

David reducitur cum triumpho in Jerusalem: Semei veniam deprecanti ignoscit; Miphlobetho se excusanti dimidiam bonorum partem restituit, reliquam servo ejus relinquens.

QUESTIO UNICA. — QUOMODO DAVID NON VIOLAVERIT JURAMENTUM, QUO PROMISIT SEMEI QUOD NON OCCIDETUR, CUM JUSSERIT EUM PLECTI PER SALOMONEM.

Semei prostratus coram rege, §. 19, dixit ad eum: *Ne réputes mihi, domine mi, iniuriam... §. 20: Agnosco enim servus tuus peccatum meum: et idcirco hodie primus veni de omni dono Joseph.* Per domum Joseph hic videtur intelligi domus Ephraim, Benjamin, et Manasse. Hæc enim unum habebant vexillum, unamque aciem in castris duodecim tribuum, ut patet ex cap. II lib. Numer. Nam aliqui Semei oriundus erat ex tribu Benjamin, non ex Ephraim vel Joseph, ut liquet supra ex cap. XVI, 5.

§. 23: *Et ait rex Semei: Non morieris. Juravitque ei. Quid juravit, nisi quod præcessit: Non morieris?* Hoc ergo, ut appareat, jurejurando firmavit, inquit Estius. Sed difficultas est, quomodo hoc juramentum David non violaverit, dum moriturus præcepit Salomon. III Reg. II, 9: *Tu noli pati eum esse innoxium,* id est impunitum, sed puni eo modo, quo justè puniri poterit. *Vir autem sapiens es, ut sciás quæ facias ei.* Quasi dicat: Non quidem potest ideo occidi, quia mihi maledixit; sed potest aliqua alia poena mulctari, et facile invenies in eo occasionem aliquam, cum sit homo seditus.

Unde Salomon inhibuit ei, sub pena mortis, ne exiret Jerusalem, præcludendo ei viam faciendi conspirationes; et propter transgressionem hujus præcepti, directe quidem a Salomone punitus est; ex consequenti tamen et indirecte etiam propter præcedens peccatum. Nempe regibus consuetum est ita dimittere peccata, presertim seditionis, ut, si contin-

gat eos iterum peccare, simul puniatur prius peccatum cum posteriori, ut observat Estius.

Nota circa versum 29, ubi David Miphibosetho dicit: *Fixum est quod locutus sum: tu et Siba dividite possessiones, quod sententia haec, et factum Davidis communiter arguatur injustitiae. Nam Siba propter mendacium, quo cap. XVI accusaverat herum suum apud Davidem, supplicium potius, quam dimidiam beatorum partem merebatur.*

Interim certum videtur, quod David, qui iniquos odio habuit, et justitiam dilexit, restitutionem non omiserit, seu idem reddendo Miphibosetho, seu alia via damnum illatum reparando.

Cap. XX. Occasione contentionis aliarum tribuum adversus tribum Juda, eo quod nomine tribus Juda omnia gererentur, quae triumphalem Davidis redditum concernebant, adversus Davidem seditionem movet Seba Benjaminita, quo duce et auctore, praeter tribum Juda, separatur omnis Israel a Davide. Seba David opponit Amasam, quem Joab dolose occidit: tandem Seba capite minuto, rebellio extinguitur.

CAP. XXI, XXII, XXIII.

Deus triennali fame punit Israelitas, propter occisos a Saile Gabaonitas, cui plaga avertendae septem Saulis nepotes affiguntur crucibus. David tam a domesticis quam externis hostibus liber, hymnum Deo concinuit. Novissima Davidis dicta recensentur, quae Spiritu propheticō afflatus locutus est. Item praeclarus ejus facinora exhibentur.

RESOLVUNTUR QUÆDAM. — Quæres 1, an peccaverit David, dum cap. XXI, 6, tradidit septem viros de posteris Saul crucifigendos.

R. Negative. Quia in hoc non tam officium fecit judicis aut regis (quibus in lege prohibetur occidere filios pro patribus) quam executoris sententiae divinae, quam intellexerat ex oraculo Domini, de quo fit mentio §. 4. Ita Estius, Tirinus, et alii.

Instinctu ergo et monitu Dei id licuit, qui, ut dicitur Exod. XX, 6, et Numer. XIV, 18, visitat peccata patrum in filios, in tertiam et quartam generationem.

Non solet tamen Deus visitare peccata patrum in filios, nisi etiam filii, maxime adulti, propriis peccatis eam poenam promeriti fuerint; quemadmodum de his verisimillimum putat Abulensis.

Q. 2, quomodo cap. XXI, 8, dicatur Michol quinque filios genuisse Hadrieli, quandoquidem Michol, recedente Davide, non nupserat Hadrieli, sed Phalti, ut patet I Reg. XXV, 44. Imo hoc lib., cap. VI, 23, dicitur: *Michol non est natus filius usque in diem mortis sue.*

R. Istos quinque fuisse filios Merob, sororis Michol; illa enim nupserat Hadrieli, ut dicitur I Reg. XVIII, 19: dicuntur tamen geniti a Michol, quia ipsa hos quinque filios sororis sue jam defuncta adoptaverat, et quia non aliter ab illa tractabantur, quam si ab ipsa concepti et geniti fuissent.

Q. 3, an quoad Davidis prælia, cap. XXI, 15 et seq., recensita, servetur ratio temporis?

R. affirmative. Nam quod quatuor prælia, ab Israelitis contra Philistæos gesta, eo ordine, quo hic narrantur, contigisse videantur, exigit simplex historiæ narratio. Et revera hæc bella post redditum Davidis in patriam contigisse, satis insinuatur §. 15, ubi dicitur: *Factum est autem rursum prælium Philistinorum adversus Israel. Siquidem particula rursum repetitum indicat bellum, et renovata Philistinorum odia, ut observat Sanctius.*

Dices 4. Tertium bellum, de quo hic agitur, §. 19, fuit idem bellum in quo David interfecerat Goliath, quod omnium primum gessit cum adhuc esset adolescens, I Reg. XVII. Nam quod Goliath, qui hic §. 19 interemptus dicitur, idem sit, qui a Davide superatus traditur, tenet Lyranus, Hugo cardinalis, Angelomus, et auctor lib. Tradit. hebraic. in lib. Reg., existimantes quod iste Adeodatus, qui hic dicitur occidisse Goliath Gethæum, sit idem qui David. Unde chaldaeus ita vertit: *Et fuit adhuc bellum in Gob... et occidit David filius Isai... Goliath. Ergo quoad prælia Davidis non servatur ratio temporis.*

Neg. ant. Nam neque Adeodatus est David, neque Goliath hic est ille, quem funda prostravit David.

Patet hoc 1, ex lib. I Paralip. cap. XX, 5, ubi eadem pugna exhibetur, et dicitur: *Aliud quoque bellum gestum est adversus Philisteos, in quo percussit Adeodatus filius Saltus Bethlehemites FRATREM Goliath Gethæi, cuius hastæ lignum erat quasi liciatorium texentium. Fratrem, inquit Tirinus, si non sanguine, certe similitudine roboris et staturæ: quocumque enim modo frater accipiatur, diversus est a Goliath Gethæo.*

Patet 2, quod non fuerit istud bellum Davidis contra Goliath, de quo I Reg. XVII. Nam ibi dicitur, quod fuerit bellum istud in valle Terebinthi, hic autem dicitur, quod fuerit in Gob. Gratus vero dicit Lyranus, quod Gob esset nomen loci specialis in valle Terebinthi: hoc enim singit in favorem sua sententiae.

Adde, quod hic bella recenseantur, quæ David jam senex gessit: illa autem Davidis cum Goliath pugna, non bellum fuit, sed singulare certamen, seu duellum, a Davide juvene susceptum.

Dices 1. Hic, §. 22, post recensita prælia quatuor, in quibus totidem de stirpe gigantum prostrati referuntur, dicitur: *Hic quatuor... cederunt in manu David, et servorum ejus.* Atqui per hoc videtur hic iterato referri certamen illud singulare, quo a Davide in valle Terebinthi percussus et occisus est Goliath: quia aliqui non apparebant, quomodo horum quatuor aliquis manu David cederit.

R. 1. Quamvis daretur, quod nullus horum quatuor manu Davidis cecidisset; tamen quia ipse in certamine primus dux erat, et aciem instruebat, quidquid in eo bello feliciter gestum est, illi attribui potest; sicut regibus aut belli ducibus adscribi solem victorie per suos obtentæ.

R. 2, dubitari non posse, quin in eo articulo, ubi de sanguine et vita propria certamen erat, Davidi, etiamsi langueret et desiceret, extremas vires impen-

derit, et simul concurrerit cum Abisai aliisque, ut hostes cervici sua imminentes occideret.

Atque ita verificari potest quod chaldaeus dicit, nempe quod *David filius Isai* occiderit hunc alterum Goliath, si non Adeodatus adjutore, saltem illo sub Davide et pro Davide præliante.

Q. 4, unde nam ortum sit discriben quoad stylum, quod habetur inter psalmum XVII, et canticum quod habetur hic cap. XXII.

R. Illud inde ortum videtur, quod David prius hunc Psalmum rudiore quadam modo et stylo compuserit, talenque habeamus hunc psalmum hoc libro: postea vero limatum magis. nitidiusque concinatum tradiderit sacerdotibus, ut in templo deinceps caneretur; et talis exstet in libro psalmorum.

Q. 5, cur ea, quæ habentur cap. XXIII, appellatur *verba Davidis novissima.*

R. Non appellari novissima, quia sunt ultima, quæ locutus est; nam cap. et lib. sequenti multa adhuc alia subjunguntur; sed appellantur novissima, quia sunt ultima, quæ Spiritu propheticō afflatus psalterio suo subtexuit prorsus ultimo loco; ita ut verba ista sint velut sigillum quoddam, quo omnem prophetiam suam, psalmis a se compositis comprehensam, consignet.

Q. 6, quis sit ille fortis, qui cap. XXIII, 8 dicitur sedere in *cathedra sapientissimus princeps inter tres.*

R. Fortis ille non est ipse David, ut putant Hebrei, sed est Jesbaam, primus fortium Davidis. Hic autem Jesbaam hoc cap. dicitur *princeps inter tres*, nimurum inter tres primos et omnium foriissimos, sive primus primæ triadis, et trium fortissimorum fortissimus; lib. autem I Paralip. cap. XI dicitur *princeps inter triginta*, quia ipse erat primus omnium fortium Davidis, qui erant triginta.

Q. 7, quomodo hic de Jesbaam dicatur: *Qui octingentos interfecit impetu uno, cum I Paralip. XI numerarent tantum trecenti: ibidem enim dicitur §. 11: Iste levavit hastam suam super trecentos vulneratos una vice.*

R. Jesbaam una vice occidisse octingentos, alia trecentos; sic ut universim occiderit mille et centum. Ita communiter istos duos textus conciliant interores.

CAPUT XXIV.

David per Joab, principem exercitus sui, jubet numerari universum Israel: hinc Deus iratus, trium portarum optionem Davidi offert per Gad prophetam. David ex tribus flagellis elegit pestem triduanam, qua intererunt septuaginta millia de populo. Rogat David vindictam divinam a suis averti, et in se transferri; atque in area Areuna oblato sacrificio, Deum sibi populo reconciliat.

QUÆSTIO PRIMA. — QUODNAM FUERIT DAVIDIS PECCATUM IN ENUMERATIONE POPULI, ET QUOMODO TOLLI QUÆST APPARENS ANTILOGIA, QUÆ OCCURRIT CIRCA NUMERUM POPULI.

Vers. 2. *Dixitque rex...: Numerate populum, ut*

sciam numerum ejus. Peccavit in Deo David, quia id fecit ex vanitate et superbia, ostentandæ sue potentie, nominisque sui celebrandi gratia. Quocirca de Davide ita scribit S. P. Aug. lib. XXII cont. Faust. cap. LXVI: In gregem sibi commissum tanta erat dilectio pastoralis, ut pro eis ipse velle mori, quando populo numerato peccatum elationis ejus, sic punire placuit Deo, ut eundem numerum minueret morte multorum, cuius multitudine cor regis fuerat superbia pertentatum. Insinuans autem causam mortis subditorum, loco citato pergit Aug.: In quo occulto judicio Deus, apud quem non est iniurias, quos noverat indignos hac vita, subtraxit huic vite.

Josephus lib. VI Antiq. cap. 13, item Cajetanus, Abulensis, et Estius censem, Davidem non tantum peccasse per elationem et superbiam, qua, tanquam rex potens, gloriabatur in multitudine populi sibi subjecti; sed etiam quia non observavit legem Exod. XXX, 12 et 13, ubi dicitur: *Quando tuleris summam filiorum Israel juxta numerum, dabunt singuli premium pro animabus suis Domino, et non erit plaga in eis, cum fuerint recensi. Hoc autem dabit omnis qui transit ad nomen, dimidium sicuti juxta mensuram templi.*

Verum nulla hujus neglectus fit mentio, ait A Lapide, addens, quod etiam David solvi jussisset dimidium sicuti, equidem peccasset, cogens populum ad solvendum hunc medium sicutum sine causa. Aliud fuisse, si recenseri jussisset populum causa proficisci ad bellum, vel imponendi tributi ob necessitatem publicam, quo casu non peccasset.

Porro Tirinus arbitratur, in populo peccatum fuisse, quia nempe semi-sicutum, qui in usus templi capitativum pendit debebat, in agnitionem supremi dominii, ei forte a plerisque persolutus non fuit.

Attamen simile peccatum populi, neque hic, neque I Paralip. XXI insinuatur. Quin imo dicitur ibidem §. 7: *Dispicuit autem Deo quod jussum erat: et percussit Israel.* Quid autem jussum erat regis imperio: nisi quod precedit, scilicet numerare populum? Item hic §. 17 et loco citato Paralip. §. 17, dicit David: *Nonne ego sum, qui jussi ut numeraretur populus? Ego, qui peccavi, ego, qui malum feci: iste grex quid commeruit?* Certe si populus neglexisset semi-sicutum solvere, non potuisset David dicere: *Iste grex quid commeruit.*

Quod autem David ex mera vanitate, et ostentatione sue potentie scire voluerit numerum populi, etiam patet I Paralip. XXI, 3, ubi Joab ostendit, inutile fore hanc enumerationem, dicens: *Nonne domine mi rex, omnes servi tui sunt?* Ac si dicat: *Nulus tibi rebellis, adversarius nullus.* Quare hoc querit dominus meus, quod peccatum imputetur Israel? ut nempe ira Dei ultionem peccati non solum in te, sed in populum immittat.

§. 9: *Dedit ergo Joab numerum descriptionis populi regi, et inventa sunt de Israel octingenta millia virorum fortium, qui educerent gladium; id est, qui i apti erant ad bellum. Difficultas est, quomodo tre-*

centa millia amplius numerentur I Paralip. XXI, 8. Ibidem enim dicitur: *Inventas est omnis numerus Israel mille millia, et centum millia virorum educentium gladium: id est, undecies centena milia.*

Ut hæc textuum dissonantia tollatur nonnulli dicunt, quod loco citato lib. I Paralip. cum aliis tribus comprehensi sint Levitæ, et Benjaminitæ, qui ex suppuratione, cap. XXIV, lib. II Reg. facta, erant exclusi. Verumtamen id dici non potest; quia æque in lib. Paralip. ac in lib. Reg. excluditur a numero bina illa tribus, ut patet ex y. 6 cap. XXI, lib. I Paralip., ubi dicitur: *Nam Levi, et Benjamin non numerabit; eo quod Joab invitus exequetur regis imperium.* Unde

Verisimilius cum Abulensi dicendum videtur, quod totus libro I Paralip. allegatus humerus Davidi fuerit relatus, qui subditorum multitudine superbians, iussit per ordines, et familias, atque tribus poni singulos in diariis, et historiis suis. Ubi vero deventum est ad numerum in hoc libro Reg. allegatum, incepit plaga Domini; et tunc rex supersedendum duxit, et ab incepto destitit. Ex his autem diariis auctor lib. II Reg. verisimilius collegit numerum sumum: sed Esdras in libro I Paralip. totum posuit catalogum Joab.

Bissecutas alia est, quod hic y. 9 dicatur: *Et de Juda quingenta millia pugnatorum, ubi I Paralip. XXI, 5 tantum numerantur de Juda quadringenta septuaginta millia bellatorum!* adeoque in numero est discrepantia ad 50,000.

Sed hæc discrepancia sic tolli potest, quod lib. I Paralip. tantum numerentur illi, qui non erant specialiter in servitio regis David, v. g. in aula ejus ministrantes, custodes corporis, etc. quorum numerus facile ascendere poterat ad 50,000 que addita sunt hoc libro Reg.; sive nulla est contradiccio.

QUESTIO II. — QUOMODO HIC PROPONANTUR DAVIDI SEPTEM ANNI FAMIS, ET ALIBI TANTUM TRES.

Vers. 15: *Cumquæ venisset Gad (propheta) ad David, nuntiavit ei (nomine et auctoritate Dei) dicens:*

Aut septem annis veniet tibi famæ in terra tua, aut tribus mensibus fugies adversarios, et illi te persecutur, aut certe tribus diebus erit pestilenta in terra tua. Cum in diebus ac mensibus per numerum ternarium procedatur, verisimile putat Tirinus, scribens in cap. XXI lib. I Paralip. etiam in annis sic factum fuisse.

Citato loco Paralip. dicit Scriptura y. 11 et 12: *Elige quod volueris, aut tribus annis famem, aut tri-*

bus mensibus te fugere hostes tuos. Imo LXX interp. etiam lib. II Reg. cap. XXIV, 13, habefit: Elige tibi, ut fiant vel tres anni famæ super terram, vel tribus mensibus fugias, etc. Sed in chaldeo, ut in Vulgata nostra, exprimuntur septem anni famis. Similiter etiam in hebreo.

Tirini speculatio est, dici posse, ex similitudine vocum hebraicarum, quibus ternarius et septenarius significantur, in lib. Reg. ex errore positos esse septem annos loco trium. Attamen cum *septem* hebraice proferatur *septa*, et *tres* prouuntur *scholas*; recentior quidam contra Tirinum sustinet, quod ista similitudo neque in sono, neque in scriptione reperiatur, adeoque nulla sit. Quare

Dici potest cum Sanctio, quod, etsi Deus a principio minatus esset septem annorum famem, tamen quia David ad diuturnam illam famem exhorruit, aut mitiorem a Domino in eo genere precatus est poenam, ad tres tantum annos coactaverit.

Misericorditer enim mox redactam esse poenam ad tres annos, concluditur ex supra citato loco lib. I Paralip., qui supplet quod in hoc libro Reg. expressum non erat.

Hoc modo etiam dissonantiam solvit A Lapide, ut prior propositio Dei et Gad prophetæ contineret annos septem, sed hanc deinde Deus, petente Gad, aut Davide, mitigaverit, et redigerit ad annos tres; sicut numerum 50 justorum in Sodoma, ob preces Abraham diminuit, et redigit ad decem, Gen. XVIII.

y. 14: *Dixit autem David ad Gad: Coactor nimis (quia quolibet illorum videbatur durum) sed melius est, ut incident in manus Domini (multæ enim misericordie ejus sunt) quam in manus hominum. Car David potius elegerit pestem, quam unum ex duobus reliquis, hæc verisimiliter fait ratio, ne scilicet ipse videretur flagellum Dei velle effugere, tradendo suos hostibus vel fami, a quibus malis ipsius persona potuisset esse tuta. Elegit itaque pestem, in quo par omnium est conditio, ut agnosceret se imprimis esse rem.*

y. 25: *Et edificavit ibi David altare Domino, et obtulit holocausta, etc. S. P. Aug. lib. I. cont. advers. legis cap. XVIII ita loquitur: Illud quod David obtulit, ut populo parcetur, umbra erat futuri: qua significatum est, quod per unum sacrificium, cuius illa figura erant, saluti populi spiritualiter parcitur. Ipse est enim Christus Jesus, qui traditus est, sicut Apostolus dicit, « propter delicta nostra. »*

DILUCIDATIO IN LIBRUM III REGUM.

Præfatio.

Quandoquidem suprema et senilis Davidis ætas auspiciatum dederit initium florentissimo Salomonis regno; illa in hoc tertium Regum volumen redacta est,

Exhibit ergo liber hic, post recensita acta Davidis

ultima, Salomonis inaugurationem, ejusque gesta politica, divisionem decem tribuum a regno Juda sub Roboamo filio ejus: item acerba dissidia, prælia, aliaque gesta sub regibus Abia, Asa, Josaphat, et Joram, qui moderati sunt sceptrum Juda, alii interim thronum Israel occupantibus.

PARS DECIMA.

CAP. I, II.

Rex David senio confectus, per castam Abisag Sunamitatem fovet: cui in regno succedere gesti Adonias; sed ambitiosos ejus conatus elidens Bethsabee, filii sui Salomonis inaugurationem apud Davidem impetrat. Salomon regno potitus, Abiatharum pontificem, ob conspirationem cum Adonia, mittit in exilium.

QUESTIO PRIMA. — AN ABISAG SUNAMITIS FUERIT UXOR DAVIDIS.

Cap. I, 1: *Et rex David sentuerat, habebatque octavos plurimos dies. Annum, ut appareat, agebat septuagesimum; siquidem 50 annorum erat cum regnare cœpisset, et 40 annis regnavit, ut habetur, II Reg. V, 4. Ex hoc numero deerpendum est aliquid pro ejus aetate senili et frigida, quæ videtur fuisse brevissima, adeoque prope 70 ingleverat annos. Cum autem operaretur vestibus, et interim non caleficeret, medici aliquæ ejus familiares quæsierunt adolescentulam virginem, quæ ipsum soveret. Invenerunt autem Abisag sunamitatem, de Suna, civitate tribus Issachar, oriundam. De hac virginе dicitur*

y. 4: *Erat autem puella pulchra nimis, dormiebatque cum rege, et ministrabat ei, rex vero non cognovit eam. Hanc non fuisse Davidi matrimonio junctam, putant Abulensi, et Estius. Sed contra hos*

R. et dico: Abisag fuit vera Davidis uxor. Ita Theodoretus; Q. 5, Procopius, Lyranus, et alii interpretantes.

Prob. I, ex S. Hieron. Epist. 2. ad Nepotianum ita scribente: *Quæ est ista Sunamitis, uxor et virgo, tam servens, ut frigidum calefaceret; tam sancta, ut caleficeret libidinem non provocaret?*

Prob. II. Scriptura hic narrat tanquam rem admodum mirandam, quod hæc virgo a Davide non sterter cognita. Atqui hoc non narrasset, nisi legitime cognosci potuisset; siquidem abstinere ab ea, quam cognoscere non licet, non est res admodum admiranda. Itaque cum Scriptura hic exprimat id, quod mirum in modum conductit ad laudem Davidis, scilicet quod ab ea abstineret, quam jure maritali cognoscere poterat, clare sequitur quod Abisag fuerit vera ipsius uxor.

Unde quamvis principaliter quesita fuerit ad calefaciendum corpus senile regis, tamen honestas exigebat ut rex non dormiret cum muliere, nisi que esset ejus uxor; præsertim cum pluralitas uxorum eo tempore foret a Deo concessa.

Et aliquoquin quomodo tuto rex ille, licet effeto et

Enimvero Salomonis succedente Roboamo, regnum israeliticum, sive duodecim tribuum, scissum et divisum est in duo: nam decem tribus constituere sibi regem Jeroboam, sola autem tribus Juda cum Benjamin adhaesit regi Roboam, ut patet ex cap. XII.

semimortuo corpore, usque adeo familiarem usum cum virgine speciosa, cujus mille sunt peccati illecebri, habere potuisset, per quam diabolus extinctos carbones ardere facit, et libidinis incendia in membris frigidis et pene mortuis suscitat? Ita urget Sanctius.

Obj. I, cum Estio: Si Abisag fuisset uxor Davidis, Adonias filius ejus non tam imprudens fuisset, ut eam sibi peteret in uxorem: nam ducere eam, quæ fuisset uxor patris, expresse prohibitum est Levit. XVIII, 8.

R. Dici posse, Adoniam fuisse hujus legis ignoramus: erat quippe aulicus, regisque filius, qui non tam legem, quam regnum spectabat; ad quod per uxorem patris viam sibi parare intendebat. Alia responsio statim dabitur.

Obj. II. Quando Adonias rogavit Bethsabee, infra cap. II, ut impetraret apud Salomonem accipere Abisag uxorem, dixisset Bethsabee, id esse impossibile; et Salomon respondisset matri, petitionem Adonia esse contra legem. Atqui hoc non dixit; sed tantum quod Abisag esset occasio invadendi regnum; ergo, etc.

R. 4, dici posse cum Cajetano, non fuisse evidenter lege prohibitum matrimonium cum uxore patris, quia a patre cognita non fuerat: nam Levit. XVIII, 8, dicitur: *Turpidinem uxor patris tui non discoperies: turpitudo enim patris tui est.* Sed turpido uxor non est turpido mariti, quandiu maritus illam non cognoverit: ergo.

R. 2, quod propterea Salomon non responderit petitionem Adonia esse contra legem, quia præcipue spectabat ejus intentionem, quod affectaret regnum; et idem eum plectere cogitabat.

Et certe, cur Adonias, eo quod ipsam in uxorem, mortuo Davide, petuit, a Salomone interfici jussus est? An viam sibi sternebat ad regnum per nuptias ancillæ patris? Fuitne dignus morte ob expeditum matrimonium cum ancilla, eoi nihil acciderat a patris intemperantia? Patet igitur fuisse Davidis uxor.

Quod objicit Abulensi, scilicet Davidem non potuisse eam accipere in uxorem, quia ipse impotens erat ad generandum, nullus igitur: nam talis impotencia, qualis est in sensibus, non dirimit matrimonium.

P. quändonam David promiserit et juraverit uxori sue Bethsabee, Salomonem futurum regem, ut hic dicitur y. 13.

R. Verisimile est, quod David illud juramentum de